

OMUKWE TU



30c

No. 21

ISBN 0-620-06828-0

Oveta yuusiku oya pulakenwa mohofa omasiku ngaka

Ohofa oya pulakene nonkumwe onene eyamukulo ndyoka lya gandjwa komugandjimaye gwepangelo lyetaaguluko, omusamane Piet van der Byl sho a yamukula omupanguli omukuluntu kutya o-

veta yuuthemba womuntu itayi vulu okwiinelwa kaantu yowala.

Ohofa oya li tayi pulakene eindilo lyambisofi yatatu muNamibia oveta yuusiku yi kuthwe po moshitopolwa shOwambo. Omusamane Van der Byl opo mpoka a ti, aniwa omupresidende gwoshilongo (sha SA) sho e eta po oveta

ndjoka ya dhikitha po epangelo lyetaaguluko R101, kapwa li sha shilwe shaa shi ashike etulokumwe lyoopaati ndhoka dha kala membwinda paidilo lyadho.

Ompangu oya li ya kalwa kaapanguli yatano, nomupanguli omukuluntu Justice Hans Berker okwa holola chalo oshipotha shoka ando shi pwe polumwe, oshoka okwa ti oku na ipotha oyindji mohofa mbyoka tayi tamaneke oveta yuuthemba womuntu yepangelo lyopokati.

Aambisofi mboka yi indila oveta yuusiku yi kuthwe po oyo; omumbisofi James Kauluma gwaAnglikani; omumbisofi Bonifatius Haushiku gwaKatoolika kaRooma nomumbisofi Kleopas Dumeni gwa ELCIN.

Oongeleki ndatu ndhoka aambisofi mbaka ye lilepo, nadho odhi li omwiindili gwoveta yuusiku yi hulithepo iilonga yayo. Naangoka ta pulwa a yamukule epulo ndyoka Okabinete kepangelo lyopokati; oministeli yegame no ya SA, naNgoloneyandjayi mOvenduka.

Oku na wo mboka yu udhitha oofooloma yi indila oveta ndjoka yaa ze po, oyo: Ngoloneyandjayi gwa SWA, omusamane M.T.Steyn (ngoka oveta ya totwa po pethimbo lyelelo lye), Okabinete kepangelo lyopokati, omusamane



Ovafita vahapu, unene vOongeleki yaAnglikani, ova holokele fiku olo komhangu opo va pwilikine oveta yaSteyn nhumbi tai tilwa. Mefano eli omubishofi B.Huashiku ota monika, omutivali okudja kolulyo momukweyo wokomesho, osho yo omubishofi J.Kauluma omutivali okudja kolulyo momukweyo tuu oo. Omubishofi K.Dumeni mefano eli ke mo, okwa hangika ina fika manga.

Tala kep. 2

Oveta yuusiku ya pangulwa

Dha za kep. 1

Dirk Mudge, omusamane Gabriel Kawtswima, omusamane Natanael S. Paulus meme Albertina Kweenda naanambelewa yamwe yetanga lyegameno.

Moshipopwiwa she hahende ngoka e lile po aawilikingleki moshipotha shoka, omusamane Jeremy Gauntlett okwa ti oongeleki ndatu tadhi indile oshinima shika odhi na iilyo ayihe kumwe tayi ningi oopelesenda 85 dhaakalimo yomu-Namibia, onkee odhi na lela sha okutya mooveta ndhoka tadhi keelele omainyengo gaakalimo yomOwambo.

Oveta yuusiku oya kwatelelwa mo kiitolitho mbika AG 9/1977; AG 26/1978; AG 50/1979 niitokolitho mbyoka otayi hingile mehulitho po lyuuthemba wokwiinyenga, oshinima shono kaashi shi nando okukanithilwa mukweni.

Iitokolitho mbyoka otayi hindi okatendo okati-10 komekotampango lyuuthemba womuntu lyepangelo lyopokati, onkee oshitokolitho shoka tashi talwa shaa na oonkondo, osho hahende Gauntlett a ti.

Okwa gwedha ko a ti kutya, pamahokololo ngoka ha tsakaneke mohofa osha yela aantu qyendji muNamibia oya tula koshitopolwa shokuumbangalantu noyendji yomuyo oye li monkalo yoluhepo momikunda kaaye na nkene taa kwatathana niyakulitho yoshinanena.

Okwa ti ishewe aantu yokOwambo olwindji oye na ompumbwe yokukonga omiti uusiku. Nongele ya adhikwa ketanga lyegameno, olwindji kaye uvite ko Oshiingilisa nenge Oshimbulu, netanga lyegameno halwindji li uvite ko elaka lyaavalelamo. Opompito ndjoka olwindji pwa holoka iiponga omolwokwauvathana ko.

Omayamukulo ngoka aakwashigwana haa gandja kaakwiita pwa na euvathanoko melaka ogo hashi vulika ga fale moku ya mangitha, mokweedhiilwa, mokupulwapulwa nomokuhepekwa, mokweehameka nenge mokudhipaga, osho hahende a fatulula oshiponga shoveta yuusiku.

Kombinga yoombapila hadhi gandjwa kaakwashigwana dheziminino lyokweenda uusiku, omusamane Gauntlett okwa ti oshinima shoka itashi nyanyudha, manga oveta yuusiku yi na oonkondo noooha dhomagumbo, onkee itashi talwa we shi na egameno lyopaveta.

Pauyelele woshifonkundana The Namibian, omunashipundi gwepangelo lyOwambo omusamane Peter Kalangula naye okwa adhika a gandja wo ehokololo lye kohofa moka naye ti indile oveta yuusiku yi hulithwe po, ndjoka a ti oye eta po omahepeko ogendji nosha fala aakwashigwana oyendji momaehameko, mokweedhililwa nomomaso.

Omusamane Kalangula mehokololo lye okwa ti wo kutya oveta yuusiku kayi shi oshinima shopantu, itayi longo noinayi tala onkalamwenyo yo yene yomOwambo.

Hahende Gauntlett okwa ti oveta yuusiku okatopolwa ka kuthwa kooveta dhomupresidende gwoshilongo R180 na R181 dhomumvo 1977 ndhoka dha gandja oonkondo dhontumba kuNgoloneyandjayi, ihe omupresidende gwoshilongo naye oku na ongamba mokuningila oshilongo shika ooveta.

Okwa tsikile ngeyi ta ti oProklamasi 157 yomumvo 1986 oya kutha po omalimbililo kutya, paProklamasi R101 yomumvo 1985 ngaashi ya kala petameko, ooveta dha SA dhonale moshilongo muka ohofa ndjika otayi vulu oku dhi kutha oonkondo, oshoka itadhi tsu kumwe noveta yuuthemba womuntu, ndjoka yi li moProklamasi R101 yomumvo 1985.

Ooproklamasi nooveta oonkwawo dha-Ngoloneyandjayi, ndhoka dha ningi po ngashingeyi dhoshigongi shopaigwana, nadho otadhi vulu okukuthwa oonkondo. Onkee pamakankameno ngoka hahende Gauntlett okwa ti ota gandja wo oveta yuusiku yi kuthwe oonkondo, oshoka itayi tsu kumwe noveta onti 10.

Omusamane Van der Byl peha lyOkabinete kepangelo lyopokati, okwi ipopile kutya oveta yuuthemba womuntu oyi na okutalelwa metokolo lya ngambekwa noveta ya tya ngawo (yuusiku) kayi na okuleshelwa pamwe noveta yuuthemba womuntu.

Shiivifa oinima yoye mO-MUKWETU, nowa hanga omunhu keshe wa hala!



Ongundu ndjika oya tegelela pomweelo gwohofa, oshipotha shoveta yuusiku shi hite mo ongula yeti 29.10.1986 mOvenduka.

Tseye edhina lyoye

Edward	= omukeleli
Ferdinand	= ependa
George	= mwene gwepya
Henry	= mwene gwegumbo
Juda	= chambelelo
Justina	
naJustus	= uuyuuki
Helena	= uuyecele
Getrud	= omukadhona gwegonga
Olga	= Uuyapuki
Priskilla	= omukulugwonale
Rosalia	= ongala

EHUNGOMWENYO

Ehungomwenyo oshike?

Aantu ohaa longitha oshitya "okuhunga" opo ya fatulule nasho iinima ya yooloka. Aanyoli yEtestamendi Epe oya longitha iitya yOshigreka okufatulula nkene ehungomwenyo tali vulu okuuvuwa ko hwepo:

Otaa longitha iitya yimwe ngaashi mbika:

a) **Nouthesia** shoka tashi ti; okugandja omayele nenge elombwele kwaangoka e li pumbwa. Otashi vulu wo okukwatela mo uuyelege wokulonga nenge welondodho.

b) **Paraklese** shoka tashi ti; "okukoleka, okutsa omukumo, nenge okuhekeleka." Naanyoli yEtestamendi Epe otaa longitha iitya mbika okufatulula iilonga yOmbepo Ondjapuki. Ombepo Ondjapuki oyo "Palaclete" ngoka te ya popepi nomuntu, opo e mu popile, e mu gamene, e mu pe omayele, noku mu koleke wo.

Onkee Ombepo Ondjapuki otayi popiwa kutya oyo "Omuhungimwenyo" nenge "Omukwathi." Jesus ota ulikwa kutya oye "Omuhungimwenyo Omukumithi - edhina ndyoka a uvanekwa nalyo kOmuprofeti Jesaja 9:5.

c) **Parmutheomai** shoka tashi ti, "etsomukumumo" ngoka a kanitha omukumo, "okuhekeleka" ngoka e li moluhodhi. Joh.11:31; 1Tess. 2:11; 5:14.

d) **Antechomai** shoka tashi ti, "okwiinekela" nenge "okwiikwatelela (cling) koshinima shontumba nenge komuntu gwo ntumba. Ngaashi mu Mat. 6:24 nenge muTitus 1:9. Pahungomwenyo otashi tiokuyambula po ngoka a gwila po pambepo.

Pa 1Tess 5:14 otayi tu pe oshiholelwa oshiwana kutya iitsa mbika ine ngele tatu yi tula kumwe, kutya ayihe oyo ngaa okukwatha mukwetu pamikalo dha yooloka. Ayihe ine otayi ningi oshitya shimwe ashike "makrothumeo" shoka tashi ti "okuuvitile uuwehame pamwe" naangoka te ehama.

PaTestamendi Epe otatu mono nokutya oshitya "Ehungomwenyo" osha kwatelela mo iinima oyindji mbyoka itaatu vulu oku yi ndjandjukununa mpaka ayihe.

Ehungomwenyo paMbimbeli

Manga Moses a li a kwatela komeho oshigwana okuza muEgipiti - okwa li a talele po hemweno Jethro ngoka a li omupristeli.

Jethro okwa li a dhimbulula nokwa tala kutya Moses okwa li a longa noonkondo, ano a li a vulwa. Pamwe nokuwilika oshigwana shaIsrael molweendo lwasho, okwa li wo e

na iilonga yokulonga aantu yaKalunga iipango.

Onkene Jethro a pe Moses omayele, opo a ulike mokati koshigwana shiyaka aakwathi opo ya vule okutopolelathana iilonga yehungomwenyo. Jethro okwa li wo a lombwele Moses kutya oku na okuhogolola aantu yeni. Aluhe mpoka pe na aantu ye vule gumwe nena opwa pumbwa wo ehungomwenyo.

MuIsraeli omwa li oongundu ndatu ndhoka dha li hadhi gandja ekwatho kaantu: Aapristeli, aaprofeti naakuluntu aayinekelwa. Aapristeli oya li haa ningi omafikilondjambo, nokulonga aantu oompango nkene tadhi ti. Aaprofeti oya li haa hunganekele oshigwana shoka tashi ka holoka komeho. Naakuluntu aainekelwa oya li haa ningi ehungomwenyo, okulonga nokupukulula aantu pahungomwenyo.

Jesus ye mwene okwa longo iilonga oyindji yehungomwenyo, ngaashi komukiintu Omusamaria pomuthima, Joh.4; nokomukiintu ngwiya a li a kwatwa moluhondelo Joh. 8:1-11, nopaSakeus, Luk.19:1-10 mii kwawo oyindjiyindji.

Moombilive dhaPaulus otatu adha mo nkene ta popi kombinga yehungomwenyo. Otatu mu adha ta longo aantu, ta kumagidha, ta gunu notatu adha nkene ta talaleke mboka ye li muudhigu; nota londodha aantu nokuli.

Joel Akudhenga

ESO

Petrus Shiimi megongalo Ompundja, okwa mana oondjenda dhe eti 2 Kotoba 1986.

Okwa thigi ko omuselekadhi, oyana 7, aatekulu 14 naatekulululwa 7. Okwa si mepipi lyomimvo 82.

ESO

Laina Dhimbulukweni S.Shikongo okwa mana oondjenda dhe muwehame wethimbo efupi 25.9.1986, moshipangelo shaShikuku. Meme Laina ogwomegongalo lyaElim nokwa thigi ko omusamane gwe, oyana 7, naatekulu 10. Okwa li e na omimvo 67.

Hosea Indji
Walvisbaai

Viljo Panduleni yaVilho Komesho okwa xulifa ombadilila moshiponga shoshihauto 30.8.1986 popepi nOnandjokwe mepupi leedula 29. Okwa fiya ko omufiyekadi nounona vavali.

Kwatha ndje u yamukulile ndje omapulo gandje ngaka:

Aarooma oye na:

Omupapa
Omumbisofi
Oopata
Aadiakoni
Ookatekete
nosho tuu

Aakwaluther oye na:

Omumbisofi
Aasita
Aayevangeliste
Aadiakoni
Aauvithi
nosho tuu

Omumbisofi gwaKatoolika kaRooma oye ha koleke aakwanegongalo momagongalo gawo, omanga kaakwaLuther aasita oyo haa koleke aantu. Oto adha wo iilonga yimwe tayi longwa kaadiakoni ya RC omanga kaakwaLuther hayi longwa kaasita. Omizalo wo dhaadiakoni yaKatoolika odhu ukila kumwe no dhaasita ya ELCIN.

Epulo lyandje oli li nee mpaka: Kutya aasita yongeleki yaRooma oye thike nduno paadiakoni, oye thike poopata nenge opookatekete? Kwatha ndje u yhekanithile ndje, u tulile ndje kehe ngoka pamuthika gwe.

Ndapandula K.Hango
Iipandayamiti

EYAMUKULO

Ondi wete itashi tungu sha okuyelekanithilwa aanashilonga yomoongeleki ndhoka dhi na omautho gadhi ga yooloka. Shoka shi na oshilonga okutseyi aanashilonga yomongeleki ndjoka u li kutya kehe gumwe oha longo shike opo u ka konge ekwatho kungoka ta vulu oku li ku pa, hasho?

Amushanga gwOmukwetu

Ava mwe ile tu kaleni pamwe moluhodi eli, Omwene na kale pamwe nanye.

Ondenge yanamufya
Viktoria Nd. Komesho

%%%%%%%%%

Tate Nepembe lyaShikongo, Petrus yaGwaniingwaya, okwa mana oondjenda dhe muwehame wethimbo ele moshipangelo shepangelo mOshakati 15.8.1986 mepupi lyomimvo 76. Okwa thigi ko omuselekadhi noyana naatekulu.

Aanelago onakusa mboka taa sile mOmuwa kongashingeyi, eeno ombepo otayi ti oyo taa ka vululukwa kuudhigu wawo, oshoka iilonga yawo otayi ya landula pamwe nayo. Ehololo 14:13.

Onawa
M. Tuyoleni P.Shikongo

ESO

Tate Silas Nikanor Iitembu gwoomvula 47 momukunda Iipumbu megongalo Elim mUukwambi okwa mana oondjenda ombaadhilila mosingela yaSwakopo eti 6.8.1986. Okwa thigi ko omuselekadhi naanona yatatu.

Rom 8:12

Thomas Tshitenda
Onaanda

+++++

Tate Sebulon Thomas mItananga-Ogongo mUukwambi, okwe tu tetekele muukwaaluhe, sho a li a mono oshiponga mekandomo lyoshihauto momasiku 8.8.1986, nokwa kala uule womwedhi gumwe netata, ta yakulwa moshipangelo shepangelo mOshakati, moka a hulithile oondjenda dhe mo 24.9.1986. Ookuume, aakwanezimo noshowo aamwameme amuhe meitaalo, mboka mwa tondokele onkugo, mwa kala pamwe natse moohodhi ndhika, peweni oonkondo kOmuwa gwetu, itatu dhimbwa omayakulo geni.

Loide Tegelela
Ongwediva College

ONGELEKI IMWE AIKE ONGHWALUTHER

MUNAMIBIA 1992?



Hamushangandjai wa VELKSWA, omufita Ipinge-Kristof Shuuya ta popifa omutumba woshongaleleleki.

WINDHOEK: Oshongaleleleki oshititano shEhangano leengeleki nhatu eengwaLuther muNamibia, osha tokola eengeleki edi di hengu-

mukile mumwe omudo 1992. Edina longeleki oyo nalo ola lukwa li kale ongeleki onghwaevangeli paLuther yomu SWA/Namibia (ELCIN). O-

shongalelele osha li ko 27-31.10.1986 mOvenduka.

Eshi otashi talwa enha lile meyakomesho leenghundafana edi da kala pokati keengeleki odo moshinima osho paife oule weedula 14 da pita. Eengeleki edi odo; Ongeleki onghwaevangeli paLuther yomu SWA/Namibia (ELC) oyo tai longo mokati kOvalaule mOushimba; Ongeleki onghwaevangeli paLuther (GELC) oyo oilyo yayo Ovandowishi aveke nongeleki onghwaevangeli paLuther yomu SWA/Namibia (ELCIN) oyo ya dja metumo laSoomi.

“Napa ningwe ngahelipi natango opo pa xulifwe po epopyo longaho loukumwe eli li li ashike meendjovo, ndele li tulwe moilonga yoovene? Otashi ka dulika tuu Oshongaleleleki eshi shi dje meemango doupika opo shi tote po Ongeleki imwe aike onghwaLuther muNamibia?” osho omupresidende wehangano leengeleki odo omubishofi Hendrik Frederik a kumaida oshongalelele osho.

Moshipopipiwa shaye sheyeululo omubishofi okwa dimbulukifa ovapwilikini kutya Kalunga kOngeleki oye Kalunga ina hokwa omatakauko, nde oha teya omakuma etukauko opo oshiwana shaye shi kale moukumwe.



Mefano eli okudja kolumosho omufita Junias Vaino Kaapanda, omuhakuli meme Hileni Elago osho yo omufita Apollos Kaulinge ova li vamwe ovo va kalela po ELCIN moshongalelele sha VELKSWA mOvenduka.

Tala kepannja tali landula

Omuwilikingeleki Hendrik okwa ulika yo moshipopiwa shaye komatokolo mahapu o-yoongelelekeleki noyoongalele yovafita oo inaa tulwa natango moilonga. Okwa ulika yo komikundu dimwe odo a ti kutya odo da imba oukumwe tau lalakanenwa u tulwe moilonga.

“Moshivike eshi eengeleki detu oda ongala kumwe koshi yoshipalanyolo osho tashi ulike koukumwe waKalunga kaIsrael. Otashi dulika tuu mbela nokoshoongalele eshi shi fiye po onhele youpika, opo shi e'e po Ongeleki imwe aike onghwaLuther muNamibia?” osho omubishofi a pula.

Okudja 1972 eengeleki mbali; yOvalaule mOushimba (ELC) noya ELCIN oda tokola okulongela kumwe nokudja opo omhepo muNamibia mu kale Ongeleki imwe aike onghwaLuther, oya penduka. Pefimbo olo Ongeleki yOvandowishi inai uya mo manga melongelokumwe, ashike oya yandja omaudaneko oku shi lilongekidila, fiyo 1980 eshi nayo ya tokola oku shi ninga.

Etokolo layo inali imba i tewe mo mEhangano laaveshe mounyuni (LWF) 1984 eshi kwa konekwa kutya natango elongelokumwe neemwainangeleki dOvalaule ola nghundipala.

Omutumba omutitano wEhangano olo owa tambula efaneko lEfinamhango lOngeleki imwe aike onghwaLuther moshilongo. Efinamhango eli otali tuminwa koilyo yeengeleki odo nhatu li mone epopilo. Oyoongalelekeleki oyo keshe shimwe palufo lasho otashi ka yandja enyamukulo ngeenge otashi popile, ile otashi indile omalundululo moinama yonhumba ile otashi ekeleshi filu ediladilo lehengumukilo mumwe. Ediladilo laxuuninwa kape na ou e li teelega moshinima eshi.

Pafinamhango eli li li po paife, nola kolekwa komutumba mOvenduka, Ongeleki imwe onghwaLuther otai ka fikama moikandjongeleki yopubishofi, inaku ufwa manga kutya ingapi, noitaingeleki tai lelwa kovapashukili voitaingeleki nayo inai ufwa manga kutya otai ka kala ingapi moshilongo ashishe.

Ehoololo lomubishofi otali ka ningwa moshikandjongeleki keshe osho sha pumbwa omubishofi. Osho yo oshikandjongeleki otashi ka kala shi na omaufomhango asho shene. Omubishofi wOngeleki aishe ota hoololwa koshoongalelekeleki shOngeleki aishe nomuponhele waye, notava kala mombelewa oyo eedula hamano adike, pafaneko lefinamhango.

Hamushanga omukulunhu wOngeleki aishe ota ulikwa kElongeleki lOngeleki aishe nolo tali pashukile olilonga yaye. Okwa tiwa na kale ashike Omukwaluther.

Efaneko lEfinamhango lehengumukilomu-mwe leengeleki eengwaLuther, oshinima sha teelega efimbo lile koilyo ihapu



Omudiinini woiniwe ya VELKSWA, omushamane Scholts kolulyo mefano eli ota kundafana nomufita Tomas Shivute, pokati nomufita Z.Mujoro tava kundafana, shiimba onakuiwa ya VELKSWA.



Ovakalelipo vOngeleki yOvandowishi moshooongalelekeleki sha VELKSWA neudo mOvenduka pefimbo lokafudo.

yeengelekishilyo li holoke. Vahapu ova itavela kutya ngeenge kali po, onghatu yotete inai katukwa natango oyo tai ka shikulwa keenghatu domayovi tadi tauluka oimbide nomaupyakadi mondjila yehengumukilomumwe.

Omolwaasho ku na ovo tava tale kefiku lefiku lehengumukilo mumwe 1992 kutya opopepi unene, nande vakwao yo tava tala kutya efiku ola undulilwa kokule inashi pumbiwa.

Sebulon Ekandjo

+++++

Epulo

Omukwetu gwaAguste 15/86 epandja 11

Omulumentu oye gwomimvo 45 nenge omukiintu? Kandi shi uvite nawa?

*Mateus Kashenye
Otjiwarongo*

+++++

Iigwana yahangana sho ya tokola SWAPO a ninge omukalelipo gwoshigwana shaNamibia, melongekidhe lyOraata ya Namibia (okomitiye ya hogololwa kiigwanahangano) opwa dhikwa oshiputudhilo muLusaka okuputudha mbala aanashilonga yi ili noyi ili mboka taa ka taamba emanguluko miikaha yawo.

“Hasho nda li nda dhiladhila kutya pedhiko lyosikola ndjika, otatu ka dhana oshituthi shayo shegwanitho lyomimvo 10 Aanamibia ye li n-tango mpaka,” osho omupresidende Kenneth David Kaunda gwaZambia a holola nkene kwa li omumvo ngwiya 1976, e na etegameno lyema-

OMUPRESIDENDE KAUNDA TA

Oshiputudhilo shAanamibia mboka ye li muupongekwa ngaashi ye shi dhikilwa kiigwanahangano (UNO) muLusaka ombala yaZambia, osha gwanitha nuumvo omimvo 10 eti 26.8.1986. Edhimbulukwo lyedhiko lyosikola ndjoka muule womimvo ndhoka olya li oshituthi oshinene kEhangano lyaSWAPO, kiigwanahangano nokepangelo lyaZambia ndyoka lya gandja ehala lyokulongela.

nguluko lyaNamibia tali adhikwa mbala.

Shoka sha ningwa po kosikola ndjoka muule womimvo ndhoka 10 dha zi ko naashoka tayi lalakanene otashi monika momahokololo ogendji gaawiliki ya SWAPO. Ihe omuleshi ngiika ota

hokwa okupulakena ehokololo lyombinga onkwawo wo, lyamwene gwegumbo nkene ta tala iinima yomegumbo lye.

Omupresidende Kaunda gumwe gwomaapopi ya simana moshituthi shoka shomimvo 10 dho-sikola, okwa tumbulile iinima yimwe ngaashi tayi landula:

Namibia momadhiladhilo guuyuni

“Moshipopipiwa shandje ongomweggululi gwosikola ndjika omumvo ngwiya 26.8.1976, onda tile: Iilalakanenwa yotango mosikola ndjika oyi li pane:

“a) Okuputudha Aanamibia noku ya pendula po muunongo wa pumbiwa miilongayakulo yomoshigwana sha mangeluka Namibia.

“b) Okuninga omakonakonolongo miikandjo yopasosiale nopaekonomi mekwatathano naNamibia opo shi kwathe mekondjelomanguluko lyaNamibia noshi yambidhidhe wo mokutunga omilandu nooprograma dhaNamibia lya manguluka.

“c) Osikola yi kale ondinga yomayelithilo noyoodokumende miinima yaNamibia.

“d) Okugandja eyambidhidho kekondjo lyemanguluko pawino wayo nomokuthikameka po oshilongo shaNamibia sha manguluka.

“Shika osho shotango sha ningwa muuyuni, oshilongo itaashi ipangele uuyuni tau shi tamekele okulongekidha eipangelo lyasho manga inaali gandjwa. Osha nyanyudha ndje unene sho nda dhimbulula kutya okuza tuu osikola ndjika sho ya dhikwa, muule woomvula 10 dha zi ko, iigwana yuuyuni oya ningi ashihe ya li tayi vulu opo oprojeka ndjika yopahistoli yi adhe esindano.

“Zambia oli uvite uuntsa sho lya kwatathana noprojeka ndjoka nolya gandja ehala kosikola. Pawino wetu otu shi shi nkene sha simana omuntu okukala u na aanashilonga ya dheuka oshilongo uuna tashi manguluka. Zambia inali mona uuthemba mboka wa monika kAanamibia okukala noshiputudhilo, osho wo kape na oshilongo shilwe she u mona.

“Oraata yaNamibia kiigwanahangano oyo ya dhiladhilile onduge 1976 ku dhikwe osikola yAanamibia ndjoka tayi ya longo notayi ya dheula opo ya koleke ekondjo lyemanguluko lyawo.


“Ano osikola ndjika otayi ulike mpoka pu thike eyambidhidho ndyoka Aanamibia taa mono muuyuni. Ondi inekela nohandi shi galikanene, ekwatho lyuuyuni kosikola ndjika li tsikile no-nando Namibia oli manguluke.

“Osikola oya gandja oonkatu kaalongwa 737 okuza 1979-1985 osho wo oodiploma mewiliko nomependulopo. Mongundu yaamboka omu na



Omupresidende Kenneth David Kaunda gwaZambia. Ethano olya thanekwa pethimbo lyoonkundathana pokati kepangelo lya SA na SWAPO omumvo 1984 muLusaka moka omusamane Kaunda a li omunashipundi gwoonkundathana yo naNgoloneyandjayi gwa SWA dr. Willy van Niekerk.

HOKOLOLA OSIKOLA YANAMIBIA MULUSAKA



Oshituthi shegwanitho lyoomvula 10 dhoshiputudhilo shAanamibia muLusaka 26.8.1986. Methano otamu monika aayenda yoshituthi. Mokati kawo omwa li Aatiligane ya za kuNamibia ya ka kundathana na SWAPO. Gumwe gwawo omeme Anchen Parkhaus ngoka a kala shito Matron omukuluntu moshipangelo shaShakati.

oongundu dhopatatu dhaamboka 122 ya pita 1981, 1984 na 1985 muhamushanga.

“Osho wo momwaalu 737 omu na mboka ya pitele 1984 na 1985 uulongi wopombanda na mboka ya pita 1984 mooveta. Onda nyanyukwa sho oyendji yomailongi mbaka ya ka tsikila natango eilongo lyawo muAfrika nopalwe. Osikola ndjika nayo otayi longitha yamwe osho wo omwaalu gumwe otagu longo moohofa dhooMangesitrata muZambia.

Oprograma dhomakonakonailongo (research) nodhetoto lyomambo nadho odha dhikwa mosikola ndjika. Omambo 10 ga za miilongakonakono mbyoka, oga nyanyangidhwa nale nokuli. Ngaka oga ontamena monkalamwenyo yopolotika, yopasosiale noyekonomi muNamibia.

Emanguluko lyaNamibia pamukalo gwombili

“Nonando twa nikithwa oluhodhi sho Namibia inaali manguluka natango, shono sha ningwa po koshiputudhilo shika, otashi udhitha omitima dhetu enyanyu. Oshiwanaawa okupopya ooprograma nomakwatho ga pewa Aanamibia, ihe kombinga onkwawo otashi sitha wo oluhodhi shono sigo onena tatu popi ekwatho li gandjwe kAanamibia konima yoomvula 20 iigwanahangano (UN) sho ya hulitha po elelo lya SA muNamibia.

‘Nandi shi popye nomuthindo mpaka kutya onkambadhala ndhoka dha ningwa po, inadhi uvika ko kutya odho omupingeni gwompumbwe yokweeta po nziya emanguluko lyaNamibia. Uuyuni nau uve ko oshinima shika.

“Nonando uuyuni owa ninga omatokolo oge ndji nomautho opo SA a ze mo muNamibia, mwa kwatelelwa etokolo lyompangu yuuyuni, SA kombinga ye ini ipwilikila ashike omatokolo ngoka, ndele okwa taneke wo oonkondo dhe okukala muNamibia. Omikalo dha tya ngeyi o-

radhi holola iineya, nepogolo nodho omuyone na nelongitho lyoonkondo.

“Okwaapulakena yakwawo kwa SA otaku hololwa nawa puuyeleele ketulopo lye lyooveta dhokatongotongo nomavigumbo muNamibia osho wo okuhutula omalunza guuyamba goshilongo shoka.



ONGUNDU YOMAUDHANO



ONGUNDU YOMAUDHANO

“SA okwa tokola okukala muNamibia. Poompi-to odhindji osha ulikwa kutya SA ota tsikile natango komeho okumweneka nomukalo kehe omudhigu oshigwana shaNamibia shoka tashi mu kondjitha, naayambidhidhi yasho.

“Tse emanguluko lyaNamibia pamukalo gwombili, osho oshinima shoka twa hogolola sigo oompaka. Osho she tu taambitha ko ethaneko lyemanguluko lyaNamibia ndyoka lya etwa po kiigwanahangamo pashitokolitho 435/1978. Ethaneko ndyoka otwa tala olyo tali mana po omukundu.

“Okwaativuka kwa SWAPO pethimbo lyoonkundathana dethaneko ndyoka okwe tu kwatha noonkondo. Ote pandula ewiliko lyongundu

ndjoka, oshoka olyu ulika okupya kwalyo (onkuluntu).”

Otwi inekela omayego gondjindikila otaga hulitha po okatongotongo

“Esiku 1.8.1986 moka SA okwa li u uvaneke okutulitha miilonga oshitokolitho 435, oli ile nolya piti po inaapa ningwa sha omoluukwatya wa SA ye mwene. Amushangandjayi gwa VVO na SWAPO oya li yi ilongekidha ya mana.

“Osha yela SA kali a mana mo moku utha esiku lyotango lyaAguste 1986, ihe okuza petameko lela okwa kala a hala okufundja uuyuni, nokwa li e shi shi ookuume ke yokuuninginino otaye mu yambidhidha. Kekwatho lyaAmerika, SA okwa kogeke emanguluko lyaNamibia kumwe nAacuba muAngola.

“Mpoka Zambia lya thikama moshinima shAacuba nemanguluko lyaNamibia osha yela. Tse otwa ekelahi ekegeko ndyoka. Omukundu gwaNamibia ogwopakoloni noli na okumangululwa napu kale opwa ningwa shike. Itandi ongaonga nande mpaka mokulondodha SA naAmerika kutya inaa dhimbwa tuu ehungomwenyo koshigwana shaNamibia. Ekondjo lyawo eyuuki nesindano oli li kombinga yawo.

“Okwaapulakena yakwawo kwa SA moshinima shaNamibia otaku taelwa wo muuyeleele wuumbugantu auhe waAfrika. Oshitopolwa shika shaAfrika osha etelwa ontuko komulandu gwokatongotongo. SA okwa iutha komulandu gwe guukwamuhoko nashi kale otashi mu pula shike, onkee a toto po ooveta dhowina dhoku ka gamena pamukalo gwokumweneka nethiminiko omukondjithi gwako megumbo nenge pondje.

“Okunkundipaleka kwa SA iishiindalongo ye, hoka taku thiminike iilongo mbyoka yi ethe po okuyambidhidha omahangano omakondjelimanguluko, otashi ningwa okugamena okatongotongo. SA ina hala nando Namibia lya manguluka pamatompelo gopaali:

“a) Epangelo lya hogololwa muNamibia lya manguluka SA okwe li tala, sho a tala otali hulitha po okatongotongo nepangelo lyako moka. Shika osho shi mu tondithile SWAPO.

Tala kepannja tali landula

+++++ Ehongo nali fimanekwe

Oshilongo keshe ohashi talika sha putuka ngeenge shi na ovanhu va hongwa, omolwaashi tu na okufimaneka eenhele deefikola. Eshi hai shi tongo molwonghalo yedu letu Namibia olo opo tali tameke okumona ehongo ndele ehongo otali kwatwa moshipala kovashingifi, pamwe nomalenga oo taa landifa vati eenhele dokutungila eefitola.

U he na oshilongo shi na ounona va hongwa ku na shilongo, ongee taleni nawa ngeenge tamu landifa omadu fiyo omomakololo eefikola.” Efitola nadi kale kokule neefikola.

Vakwetu, tu fimanekeni ehongo.

*M.Isaak
Oranjemund*

+++++ Okwaa noshili kwaanyolithi naatali yomakonakono gaailongi kuyo yene

Ohaa dhiladhila ngiini kiimaliwa yetu mbyoka hatu futu mokwiilonga, tandi nyola ekonakono sha yela, tu li noonima, ihe miizemo oto mono olumbapila lwa nyolwa (absences) wa faula nande pula kutya uunake, walye!Yo ihaa pula wo palwe mboka nda nyola nayo; ope na oshili ngaa mpoka, nenge oyo mboka taa ti oshili oshike?

Otu uvite uudhigu, naye tu pukulule ngaashi twe shi ilongela inaye tu kolonyeka, okuninga hatu nyola pwaa na futu. Kehe omumvo oto futu wa hala okwiilonga, oho lombwelwa wa faula, kape na oshili mpoka.

Eva Shaningi



Eputudho alihe lyaagundjuka yomuupongekwa pondje yoshilongo olya kwatelela mo oshitopolwa shomithigululwakalo dhoshigwana shawo. Methano ndika otamu monika ongundu yomithigululwakalo yedhina Ndilimani. (Ndiliman Cultural)

“b) Patiyali SA oku uvite ota kanitha ehala lya simana okulongithwa okukaleka po okatongotongo nompani ye uuna ta ponokele iishiindalongo ye.

“Nandi shi endulule mpaka kutya Zambia nenge nokuli iilongo ayihe iishiinda naye (Frontline States) oyi na oshinakugwanithwa shokukwatha iigwana tayi kondjo muNamibia nomu SA. Kape na omatilitho, naga kale oge thike peni, niiponokela ye noyaayambidhidhi ye tayi ke tu mweneka okukwatha.

“Tse otu na eitaalo memanguluko lyaAfrika alihe, oshoka ngele okatopolwa kaAfrika hoka inaaka manguluka natango, ka manguluka, opo ashike tatu tala kutya otu na emanguluko lyoshili nombili yoshili.

“Tse yene otwa hogolola Namibia li manguluke komukalo gwombili, osho wo twa hogolola SA li ete po omalunduluko ga pumbiwa pamukalo gwombili. Ihe SA negele ota tsikile neikukutiko,

otwa tompelwa kutya omayego guuyuni ngele taga lumata nondjindikila, otashi ke mu thimnika a hulithe po okatongotongo. NaZambia olyo limwe lyomomavi gotango ngoka ga pula ondjindikila yi ningilwe SA.

Otatu igidha kiilongo ayihe yi na ehalo ewana-wa okatongotongo ka se, opo yi itule kumwe nase mekondjo ndika. Otatu pandula iilongo mbyoka ya tula po nale nokuli ondjindikila. Iilonga yayo itayi hulitha po ashike okatongotongo,

ngo, ihe otayi ulukile omangathithi gaantu mu-Namibia nomu SA kutya uuyuni owe ya gama mekondjo lyawo eyuuki.

“Zambia kombinga ye okwi ilongekidha okulongela kumwe moshinima shika naayehe mboka

ye na sha nasho ngaashi; iigwanahangano, Amushangandjayi naalongi pamwe naye. Aanamibia naa tseye mpaka kutya tse otatu tsikile oku ya kwatha sigo esindano lya adhikwa.”

Nge otwa ningeni ngaha pamwe tashi xwepopala ngaa, shaashi natango kombinga yoshimhungu shelongo ahowe ngaa

1. Ovawiliki velongo! Onawa mu tale shili kutya oinima yelongo aishe oi li tuu shili melandulafano nomomukalo ou tau dulu okukwafa oshiwana nawa kombinga yelongo; opo odula keshe ngeno oshiwana shi xume komesho. Ndele oshiwana otashi dopa ashike nainai. Ondi na eindilo opo oipopiwa ya kala tai popiwa kombinga yedopo i tulwe moilonga kukeshe ou e na oshitukulwa noinima yelongo pamwe uxwepo tau ya ngaa.

Vahapu moshiwana ove na enyeme keemwe-nyo. Onawa nge ovalongwa tava pewa omambo

a wana opamufindalongo oo u li melongifo. Shaashi natango oku na ovalongwa tava longwa momambo omufindalongo mukulu.

Onawa ngeenge omukulunhufikola ta kongele ofikola yaye omambo fiyo kuyela shaashi oye omutwe wayo. Okuyandjela ovalongwa vahamano embo limwe, ile nokuli omulongi oye ashike e na okambo koshilongwa osho ndele ovalongwa kave na, edopo ashike tali xunganekwa notali wanifwa.

Nge ovalongwa otava dopa omolwomambo ile molwaashi elongo itali ende nawa unene tuu Std. 8 na Std. 10, etimba olalyelye? Ngeenge Std. 6, Std. 7 Std 9, ovalongwa tava kala mognhalo i li ngaha?

Efimano loshiwana olo nali kongwe tete komesho yoinima ilwe, opo shi xume ko sho shi kale shi shi okwiilongela mombinga keshe. Oshiwana itashi dulu okwiilongela nge inashi mona elongo la wana nawa.

Ovakulunhufikola kongeni omambo opofikola. Enda yo pamwe nefimbo monima yehongo. Shilipaleka kutya ovalongi pofikola yoye ove

Tala kepanja tali landula

Okatongotongo inaka findana: Efolo Kaulinge



Efolo Pendukeni ta popitha oshituthi shegwanitho lyoomvula 10 dhoshiputudhilo shaNamibia.

Fye ava twa li twa hoololwa tete tu li-honge mofikola ei, otwa li tu udite hafye ngeno vokulihonga mofikola ei, ava twa putukila mehongo IOshibanhu nomomulandu wokatongotongo. Ndele kombinga ikwao otwa li yo tu udite otu na okulonga oshilumenhu, opo tu ulike epuko lovakolonyeki vetu ovo hava ti ihatu dulu sha," osho hefolo Pendukeni Kaulinge a hepaulula ehovelo longudu yavo yotete mofikola yaNamibia, muLusaka.

Hefolo Kaulinge oku li Hamushanga woshitai shovakainhu mo SWAPO noku li yo oshilyo shEwilikongudu la SWAPO. Mokuulika osho sha li petameko lavo mofikola ei meme Kaulinge okwa ti:

"Nande katu mwene outeku muwa mehongo omolwokatongotongo okuya mofikola ei otwa li twa tokola tu pite omolwouwa woshilongo shetu nomolwouwa wOvanamibia vomayovi ovo ve na oku ka yeululilwa omivelo doikandjolongwa ihapu mofikola ei ngeenge oya longifwa nawa."

Omupopi okwa ti kutya eshi va hovelele ve fike 100 omudo 1976, paife oku na ovahongwa ve dule 500 va landula eeprograma dopane. "Kaku na va li oshikondo mo SWAPO to hanga kashi na omulihongi a pita mofikola ei," osho Kaulinge a ulikila ovapwilikini vaye exumokomesho olo la ningwa po moule weedula 10.



mulongi e na omukumo, omulongi e shi kutya okwa humbata onakuiwa yoshiwana melongo, omulongi ita teya ovalongwa omukumo ndele ote va kumike shili opo va xume nawa komesho melongo.

Ovalongwa tu lituleni moilonga. Omambo naa leshwe opo ovalongi va mone omukumo wokulonga. Oilonga yofikola nai wanifwe. Oikolwifa nai endwe kokule. Okulesha naku talikwe osho oshinakuwanifwa shotete shomulongwa mofikola. Nge omunafikola we liningi omunanyalo edopo ashike to xunganeke. Omaxuliloshiwike naa longifwe nawa, hakweenda ashike nokuhepifa oimaliwa yovakulunhu, ohai longwa nou-djuu.

Oimaliwa yovakulunhu nai hepuluke, inai landwapo oinima i he na ekwafo lasha. Ovalongwa novanyasha onghalo yoshilongo oi li momeke eni, onghee osha pumbiwa mu lilongekidile ouwiliki shaashi mongula onye ovawiliki mombinga keshe.

VAnamibia tu likwafeni keembinga adishe opo tu ye memanguluko tu shi oku li longela. Uukuni nau ye kumwe opo tu duleni okufikama keemhadi mbala shaashi natango onghee ngo tu li oshiwana oshifininikwa nonena. Oshiwana nashi tungwe kOmunamibia keshe sho shi kongelwe emanguluko kombinga keshe.

Nd. Natangwe

litula tuu shili moilonga. Omukulunhufikola na kale e na ekwatafano novalongi pofikola, opo va dule okupangela ovalongwa vavo.

Ovalongwa inava tewa mofikola konima yanafangwa, nashi kale shi shi ku talwa ndele nanakutwa mofikola ta mono kutya: Heeno, onde shi lilongela mwene. Pukulula ovalongwa ngaashi naanaa u li novamwoye lela melongo nopanghalo.

Omulongi ou na oshinakuwanifwa shinene. Ovalongwa nge va dopa okoshipala shoye hakutalwa. Ovalongi vamwe ohava holola eudo nai nge ovalongwa vaye va dopa, ndele ovalongi ovo ve he na ohole yoshiwana ohava ti: "Walye, ou wa dopa ame ostanda ei onde i pita nale. Naashi otashi holola kutya ou ke shi omulongi woshiwa-

na shaye, shapu otaku tiwa ashike omulongi wouwa waye mwene.

Omulongi na dhimbulukwe kutya, nge ota longo nomukumo ota tungu oshiwana ngaho, shaashi novalongwa vaye omo mu na, ovafita, ovapangi, ovalongi, ovapangeli, ovatungi, eendohotola nosho tuu. Ndele nge omulongi ota lu ondede mokulonga, ota tungulula, novanashilonga ve li movahongwa vaye ote va fitikile eemhito davo. Ovalongwa ava tava ka ninga ovanashilonga otava ka landula omikalo domulongi wavo, apa omulongi kotoka u ha deulile ovanashilonga vokomesho onyalo.

Efimbo nali longifwe nawa okudja petameko lodula fiyo opexulilo. Nge hatu popi omulongifikola otwa diladila, omulongi e na ohole yoshiwana, omulongi woshiwana hawoshimaliwa, o-

ETSEYITHO KAALANDI AASIMANEKWA

OKUZA ESIKU 15 NOVOMBA 1986 SIGO 15 DESEMBA 1986, PONETHINDI NORMAL SUPERMARKET, OTAPU KA KALA OFANDITHA YOOMBETE, OMATALASHE, OOSIKOPA DHOONGUWO NOSHO WO OMAGADHI GOKULYA.

IINIMA AYIHE MBIKA OTAYI KA MONIKA KONDANDO OMBWANAWALELA.

IIPINDI OMOMEHO, ENDELELA U IKONGELE MBALA, MANGA ETHIMBO INAALI PWA PO.

LYE END'ONGULA, OLYO LYA TOOLA OHIMA.

J.P.Nangolo

Otandi pandula unenenene kaayenda yoshituthi sha hugunina shaatekulu yandje yatatu kOshigambo, Helena Kandalindishiwo Shambo, Margaret Shambo, Sesilia Nandjunga Shambo, pamwe nomutalelisikola tate Leonard Hamunyela mboka ya hulitha 12.7.1986 noya pakwa meti 16.7.1986 mOshigambo.

Ebandulo enene komuwiliki gwoshituthi pamwe naakwathi ye. Kaasimanekwa ayehe mboka mwa tondokele nopamwe wo nomumbisofu gwa ELCIN naasimanekwa amuhe nonando itandi ya tumbula kondandalunde.

Kune mboka mwa zile mela lyondjila onde kUshimba, kuuzilo kuuninginino kuumbangalantu wOwambo, nda kwatelela mo aakwanegongalo lyaShigambo nomuwiliki gwegongalo tuu ndyoka.

Kaalongi yoosikola, kaanasikola amuhe yoongundu dhopevi nodhopombanda, komukuluntu gwoshikondo shelongo, nokehe omuntu wa li mo, amuhe ote gandja ebandulo enenenene mwaashoka mwa kwatha ngaashi tashi vulika.

*Joseph Kateli Amutenya
Ekolyanaambo*

+++++

Nandi kwathwe ndi yamukule epulo lyaOttilie Nd. Nghiiwamunwe mo 30 Juli 1986

Epuko ndi to popi kombinga yuutse waSilas olini, nantle ongoye wa adha pokuma tapu pulwa uutse ndele to gandja kaSilas oto dhengwa. Ishewe uutse mbu waSuidwes owa tameka nale, onyalo oya shike sho inoo sa oshimpwiyu opo omukulupe gwoye a kale wo e na okatse hoka taka longithwa koshigwana ashihe? Shono wa shanga kashi shi epuko lyopenzela, ihe oveta tayi ti. Tse ohatu longo kohi yoveta.

Sho wa shanga to ti otashi ningile koombunda ngele owe ya kombelwa yoopenzela ndele e to tala momambo gaakulupe, oto adha mo mbela aakulupe yamwe haa taambitha uutse waSilas nenge koombunda ho to popi okuni?

Kaashangi amuhe hamu shangele kOmukwetu, onawa mu kale hamu shanga iinima mbyo mu shi nawa, hakusheka owala iilonga yooyakweni ne kaamu shi kutya ohayi longwa ngiini unene tuu aalongisikola.

*T.T.T.Pulavali
Ondangwa*

+++++

OSHIKUNDATHANWA SHOMEYA

Oshikondo shomapendulopo mOraata yOongeleki muNamibia otashi ka ninga oshigongi shoonkundathana kombinga yompumbwe yomeya moshitopolwa shika.

**ESIKU: 27-30.11.1986
EHALA: ONGWEDIVA**

INO KANITHA OMPITO NDJOKA YA SIMANA

ONDANDO YOMUKWETU 1987

- Oshifo shimwe ohashi kosho 40c
- Ondando omumvo aguhe muNamibia nomu S.Afrika R6,00
- MuAfrika alihe R 10,00
- Kombanda yomafuta R 14,00
- Kombanda yomafuta mondhila R 17,00

* **Kaanangeshefa mboka ya hala okutseyitha iinima yawo mOmukwetu, epandja limwe alihe otali kosho R 112,20**

— **Ngele etseyitho eshona, iimaliwa otayi kululwa wo pevi.**

OMUKWETU

Oye oshifo shOngeleki Onkwaevangeli paLuther yo-muSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofu Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R5,00 komumvo.

Palwe muAfrica R8,00 nokombanda yomafuta R11,00 komumvo. Mondhila R13,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. 11, ONDANGWA 9000
SWA/NAMIBIA